

SEXTVM: Deus est author omnis boni in natura: *Et erant omnia valde bona.* Ergo nec peccati aut mortis causa in Deum est transferenda, sed in nos ipsos: nec bonorum gloria, quæ vel seruauit nobis, vel restituit aut confert, ei est adimenda, &c.

ἑπτάσχορον

DE SEX DIERV M

operibus.

1. Terra, & abyssus aquæ, lux, prima luce creata est.

2. Cælum, atque vndarum diuisio facta secunda:

3. Tertia secreuit terram & mare, protulit herbas:

4. Quarta dedit nitido stellarum sidera Olympo.

5. Quinta tulit pisces in aquis: cælique volucres:

6. Sexta feras hominesque Dei sub imagine fecit.

7. Septena tandem Deus hausit luce quietem.

CAPITIS SECVNDI ARGVMENTVM,
Vsus, Partitio.

HOC caput epilogus est & commentarius illustris totius hexaemeri. In initio Moses paucis indicat, quomodo Deus opera creationis & primam mundi hebdomadem clausit, diem septimum sua requie sanctificando. Deinde res gestas tertii & sexti diei, præsertim hominis creationem vberius exponit: ex quali materia corpus viri Deus formauerit: quomodo viuificauerit: vbi & ad quid hominem conditum collocauerit: quali lege eum obstrinxerit: quo consilio, quæq; causa, vnde & quomodo fœminam creauerit, creatam vero insolubili connubio vitæ sociam copulauerit: quæ deniq; fuerit duorum ante lapsum puritas & sanctissima consuetudo.

Varia hic iterum occurrunt exempla immense potentie & mirificæ bonitatis Dei, quæ in progressu monstrabimus. Depingitur etiam hominis ante lapsum originalis integritas, authoritas atque conditio. Sed cum primis elucet tres diuinae sanctiones, Sabbathi, Legis & matrimonii, antiquissima & vniuersales: absque quibus Ecclesia & genus humanum nec stare nec propagari poterat in mundo. Prima ordinem Ecclesiasticum sancit, ac testatur Deum velle cultum & inuocationem sui perpetuo publice vigere inter homines. Altera sanctione Deus legum fontem aperuit, & authoritatem sanxit, ostendens hominem naturali obligatione Deo & legibus honestis subiectum esse: vnde ciuilis ordo exstitit, in quo magistratus tanquam Dei minister custos legum diuinarum & humanarum esse debet. Tertia: Oeconomicum ordinem spectat, confirmans sanctum ac necessarium esse viri & fœminæ commercium legitime contractum: quia Deum authorem habet, & omne peccatum antecepsit. Hac omnes alias ordine antecepsit: quia mulier simul condita & iuncta est viro die sexto. Secuta est lex de arbore eodem die septimo: Sed Moses historia causa primo loco eam exposuit.

Partes igitur capitis præcipuæ sunt duæ.

PRIOR est Sabbathi institutio ver. A corpus & quoad animam ver. 7.

1. 2. 3.

Altera γθ' ἑσέρωσιν describit παραλειπόμενα quædam, illustrantia præcedentem creationis historiam: Inter quæ est:

1. Mirabilis terræ fœcundatio absq; pluuiæ & hominis cultura ver. 4. 5. 6.

2. Hominis creatio distincta quoad

3. Descriptio horti Eden seu Paradisi eiusque vsus versib. 8. seq.

4. Lex arboris vetitæ in medio horti ver. 16. 17.

5. Creatio Heuæ & matrimonii consecratio v. 18. cum clausula de statu innocentia.

V. PRIMA